

Э Т А С

Хант. р.

1988 ол!

Иса муват пролетариатат, пилтасыт!

ЛЕНИН ПАНТ ХУВАТ

КПСС ХАНТЫ-МАНСЯЙСКОЙ ОКРУЖКОМ ПА АВТОНОМНОЙ
ОКРУГ МИР ДЕПУТАТАТ СОВЕТ ГАЗЕТА

[Эти 1-мит ноябрь 1957-мит ол вуш эвалт]

Тарум арти воллув ин:
Иса йорлув — волупсыя!
Топ сирн йошев пайлы йил,
Па Хатлэв хотлал иса мира!

№ 1 (2094)

ПЯТНИЦА

1

ЯНВАРЬ

1988 ол

Тынд 1 вух.

СССР 65 ОЛА ЙИС

30 декабрьн 65 ола йис, хуты тывас СССР. Ар хурасуп па арсыр яснуп мир яха пилтас па си вуш эвалт лохсанга воллат па верлат йилуп волупсы.

Иса республикайт яха пилтум унтаси мувев па мет йоранга йис, там вер вон унтас тос экономика эмалты вера, культура иситы йилуп сира йис.

Кашинг мир тол па ёха унтас, ситы волупсы кена па яма йил.

Мунг хантылуд па мансилув иситы па мират иты лохсанга воллат СССР вон семыйн па там хатл йн сохум лунгсат Йилуп ола.

ЕЛЛЫ СОХУМ—ЙИЛУП ОЛН!



Волупсы йилуп сира кератты — сит КПСС XXVII съезд партупсы. Сыры сирн волты ант рахал, тунга ки лупты, ант па вератла еллы тоты волупсы катра сирн. Там партупсы интам лунгас кашинг хоят сама, сирн си планат па социалистической ясту-

псэт тарматты вер еллы хатумас, ямкема хасюм олн верлуд лэсюм сат.

Хутыса есялтсэл этум 1988-мит ол округев мир?

Мет вуланг вера округевн лунгасл нефть вуты вер. Мосл лупты, 2 миллион 400 сюрс

тонна нефть план мултаса еша паватсув.

1987 ола постылум газ вуты, мув илин тась каншты, электрчество тут холумты, хул велпслаты, хул лэ-тут хушплат эсалты планат тарумсат. Юхь-енгк нык таллаты, мира мосты пурмас верты планат па ешунга-сынг арт елпийн. Волупсы суртат тунгматы, сунхюр ёнтты, ух лурты, опат шакляты верат иси мира мосты сира манты пилтас.

Округев луватыйн мирев каркамлалат, сит вуранган мир сеп пилтас параш вухат, эммас труд производительность.

Топ ант мосл номас-ты, матэ па иса верлуд лэсюм сат. Ар сурт

хулна ант тарматман воллат. Ант тарумсат мир пурмас тыныты, нюхи холумты, картопка па мув харати эмалты лэгут холумты планат.

Кашинг холмит предприятие ёх ант вератсат тарматты ястусы-лат.

Интам мосл артае-ман лунгты Йилуп ола, вуантты така йилуп планат тарматты сира. Си кутн мосл кашинг хоята воть КПСС ЦК Генеральной секретарь М. С. Горбачев памтупсы: «Мунг есялтэва долыланган яха пушта-сюм кат вер — йн еллы тоты мир апар па йор кашинг ханнэхо волупсы ляматты сира па волупсыя паватты экономической реформа. Сит си

мст вэн бериган, сити-ган си мосл верты».

Кашинг тахнийн мосл тунгсиранга воллатгы государственной пред-приятие оланги верум Закон сират, топ сит-ат посн тоты экономика адумты верат, си ант волупсы еллы ант пилт хатты. Округевн там олнгатум олн кат холмит шоп арат пред-приятие пиллат ропитты хозрасчет па юкан вухи сухунтылман. Мосл лупты итот тахетн тунг-сиранга лэсятылсат йилуп сирн ропитты.

Йилуп олн мосл верты вутанг па хув сохум волупсийн.

Йилуп ол пила ны-ат, тынаит ёх! Талампа па яма волаты!

ОКРИСПОЛКОМН

Там ванан окрисполкомн тывум шуши мир охтыйн волты отдел мирхот вос. Си мирхот пушнас окрисполкомко-ся лангар хо С. С. Чикирев.

Сялта ясанг тайс од-дел ух хо В. И. Шуль-гин. Лув пуртас си оланги, муй лыв версат лунг вуш эвалт, муй лывел мосл еллы вер-ты, лолн шуши мир волупсы нух алумты.

Си юпийн йилуп ола постум ропитты план нух вантсы. Муй мосл еллы верты?

Еллы ясанг тайе ок-руг радива редактор А. М. Сенгелов. Лув пу-тартас си оланги, хуты округевн вевтама манл сельской Советат ко-сяйт па секретарят вол-латы вер, мосл нётгы кортати лывела волуп-сы нух алумты, мосл иситы яма ропитты Со-ветат ропата воллаты. Шуши Советат кутн яма лунгасл Кондин-ской район Карымский Совет.

Ясанг тайс иситы РСФСР эвалт шуши школайт охтыйн волты

научной сотрудник Е. А. Немьсова. Лув пуртас школа учебникат вер-ты оланги, хойтат пил-лат ситат верты, йн сира хангы ясанги ханш-ты оланги, хуты округ радивайн шенгк шимл минута малы шуши яс-нгатн пуртарты пата, мир культура еллы эм-малты оланги.

С. С. Чикирев лупас план постаты, там план иса окрисполком роп-ата тухалпи постуман, сирн там хуват мосл еллы ропитты.

Т. Себурова.

Таланга волты

Катрая тасянг ёх ла-нуша ёх восат. Си пу-райн ангкэм тасянг ёха ропитас.

Сирн си лув амат-ман така ропитас вол-мал нопат. Лув нэмал вос Анна Ефимовна Молданова, округ лу-ватыйн яма восы. Мет тарма велпслас йингк-ан па вонган лаль ол-ати, сит пата лув мев-лал хурамса Ленин ор-денан.

Сит юпийн Ленин ики ям власть верас. Иса мирев пата, антом топ

луд патэла. Ленин ве-рум ям власть хуват-тыйн ям нян лэдув, ям шай ясьдув, ям ломат-сух ломатсув. Яма ро-питув па Ленин вен-шанг ар вух вусув.

Интам иси мунг ком-мунистлуд иса мирев пата ат номаслат, иса мирев ат ропитсат па яма ат восат. Иса мира лангхалум йилуп олн таланга волты.

Т. Вандымова,
труд ветеран.

Суматвош район.

Вуся ясанг китлум



Тылась мар мунг вошеви волнгийдэат округ учителя институту нявремат волнтаты ех. Лыв кутэли иситы восат хантэт па мансет.

Лидия Сидоровна Алферова иси лыв кутэли волнтылас, лув ропитл Суматовш район Тэк корги. Арсыр верат оланги мунг пугартсув учителят пила. Алферова там муй дупал:

— Ма 22 ол роитлум нявремат волнтуман. Там олат мар арсыр нявремат волнтасум арсыр коргати, сирн яма воллам нявремат волнтийты па волты вер. Ситы ханнэхо волгал па ропитал мар арсыр нумасн юхатлы, ропата верл яма уша верл. Ма сырья воллемн ханшиилсум путрат «Путь к коммунизму»

нэмуп Суматовш районной газетая, си йити ма имет пила корги ропитесум. Арты па якты вер иси манэма ин волнты шенгк ван па мостанг. Ма сэма питесум Тукьяканг корги, ма ротлам самангат восат нарасты. Ситы округ радивайн мирн ванкутлы холлийллы ма акем нарасты сир, сит Артем Григорьевич Гришкин. Ма яюм Кузьма Гришкин турсый иситы округ радива хуся вол. Лув турл шенгк сыйнг па кулы вос. Яма хошас гармошкайн юнтыты.

Интум мунг ханты мирев елпийн лодьлат шенгк вон верат. Мосл еллы волнтаты мунг ханты янгев йилуп нартуп нявремата. Мосл дупты, янгем-хоскем ол юхлы хантылуд руса вуратсат, сит шенгк

ар турас тос. Муй ханты мирев тайл, ситат мослат еллы тоты. Мунг нявремат пила арсыр угат верлуд, волнталлуд лывел рот мирел тос пурмасат ёнты, ханши эватты, сак каратты.

Ма хон Ханты-Мансийскийскыйн восум, янгхесум окр-исполкома, пугартсум арсыр верат оланги.

Иса мира лангхалум дупты ям вуся ясанг Йилуп ол пила, таланга па яма ат воллат, постум верлал волупсыя ат питсат.

Путремас
Т. Обская.

ХУРН: Л. С. Алферова,
Н. Гордеева
верум хур.

Суматовш район.

ВОЛ ПА РОПИТЛ МИР ПАТА

Ветхусьянг-хос ол юхлы Кышик вантасас катра корга. Хотат па тылал лыйман восат, итох хотат сунглал илы роханьлюман восат. Сирн топ-топ Мосум мув корганг ёх госпромхоза паватсайт. Хутыса волупсы нух тунгматты? Вух ант тайлат ропатанг сунхитаты. Ропата па антом. Хутыса волты? Муй эвалт олнгатты? — Тамась инь-сисупсэт лодьлат Виктор Георгиевич Подпругин есялт. Там ханнэхо сирн вельси паватса Ханты-Мансийской госпромхоз ух хоя. Там хозяйствайн мултыкем восат па ропитсат хантэт. Сирн си мосас мет олангн нух адумты йингхул па вонтой каншты вериган. Мосас лэсятты янгхты нохлат велпас пурмас. Сит юпийн, ву-янтсат мир питу вухсарат энмалты вера. Сит паршанг вер, лэгут иси тармал. Ситы айнайн мир сеп вухн юхатты питса.

— Оллунгта ар мух вугы питсув вонтой акатты па тыныты вер эвалт. Ситы сунхунтасэв государства эвалт вуйлюм артизэ па этсув осая. Муя лупла ёшлуд мунгева питсат, — путремал ин си олат оланги Виктор Георгиевич. Си юпийн госпромхоз кося питас номасты мир волупсы ямасты. Мосас нух лэсятты хотат омасты вер, юхьенгк сопаслаты па ваньсыты вуянтсат... Ин вантаты, муй хура-

суп йилуп корт вусьлума хотлал нуви лоньёс охтыйн хатл ёшат унтасн. Тал. Етн. Шошилсум вантман Кышик корт. Волы хоят хулт ломатл, си вонатты си энмас там корт. Школа, интернат, ай нявремат тайты садик, ланкайт — исат йилпат. Етшаты вутсас лэты-няньсыты йилуп хот. Электростанция ропитты сый этара тохарл. Мухалая кат семья волты сира омсум йилуп хотат, хураманг пошасати яха каратман талассат корт худэт кат пелакн. Тата воллат уянг па амтанг мир. Шошилсум па номасум: «Муй арат нумас па йор пунас там ханнэхо (сит Виктор Георгиевич Подпругин), нумаса питсат, хутыса лув лов тась энмалты питас. Ин госпромхозн хась сюрс лов. Си тась эвалт пилт мира ар лов сух, ар нюхи, ар вух.

— Культура Хотэв катрая йиты питас, больница па мосл омасты, — йи пуш дунги лупас Виктор Георгиевич. Сит антом нартам яснат. Еша волман, ситат па питлат мунг сэмува.

Йилуп нартуп энмалты вер па нумсанг ханнэхо ант юремаслэ. Там корган си пулянг моюнга юхатман восат округевн шуши мир нявремат волнтаты школайт директорат. Лыв тыв юхатсат ванты, хутыса Кышик школа ня-

времат волнтыиллат па воллат.

Мосл дупты учителят волнтаты институт ух ёх тунга па яма артасьман директорат тыв тослат. Кышик школа директор Филипп Игнатьевич Климов па Ханты-Мансийской госпромхоз директор йи нумаса вуянтсанган школа реформа волупсыя тоты сира. Шошилсум школа па интернат вантман Йилуп школа па катра школа хураслан йи кема веруминган, лыпалта ант па мутшалы, хута катра хот. Иситы хураманга вантасас интернат, ситы си ямсьева лэсятсайт нявремат пата. Мет апанга па тоса ропитты ёх госпромхоз эвалт китсант ропитты школая, лыв унтасэли нявремат волнтыиллат сыр-сыр верат верты. Сит шенгк мосты вер. Округев эвалт юхтум ёх вантсат, хутыса юхьенгк пурмас верты цехн мастер В. Я. Ключник, сыр-сыр тос пурмасат верты цехн А. П. Бородин, вонтой каншты вер Н. А. Веклич волнтасат нявремат.

Сухнюр ёнты волнтал школайн П. А. Вагатова, лув сух ёнты Ханты-Мансийской комбинат эвалт сята ропитл. Сама вос амата, хуты госпромхоз ух хо Виктор Георгиевич Подпругин па школа директор Филипп Игнатьевич Климов йи нумасн волупсыя тоты вуянтсанган СССР Министрат



Совет нэпек нявремат волнтаты вера базовой предприятияг нетупсы лэсятум оланги.

Шенгк ар йор Виктор Георгиевич пунас, лолн госпромхоз ат энмас. Коммунист Подпругин ант пал лаварт верат эвалт. Кат ол юхлы лувела катлуптасы па йи ай кортыя Ягурьях, си корт сикем катра вос, муй мурт Кышик 15—20 ол юхлы.

Вантали, интам Ягурьяхн янг йилуп хот омасл, нявремнет дунгсат йилуп школая, садика. Хутыса Йилуп ол этты амтанг хатл мунг вератлуд хосла волты па ант дупты ям ясанг Виктор Георгиевич Подпругин пела, лангхалуд, лолн лув таланга, яма

ат вос, ар ям вер па мира ат тос.

Виктор Георгиевич Подпругин кашинг вер охтыйн тунгсранга номасл, лолн муй па ат верас, иса ситат ханнэхояга амат ат тосат.

Волупсэл йи олнгал вослэ, рахал дупты, нартам хатл, нартам ол ант тайл, калупсанга вол па ропитл коммунист Подпругин, сит пата си мевлалн тайл хураманг посат, лув вол па ропитл мир пата.

М. Вагатова.

Хурн: В. Г. Подпругин.

Н. Гордеева верум хур.

Редактор

М. ВОЛДИНА.